

MAHATHIR - PELABURAN

(I)

KUALA LUMPUR, 3 NOV (BERNAMA) -- DATUK SERI DR MAHATHIR MOHAMAD HARI INI MEMBIDAS GOLONGAN TERTENTU YANG MENCUBA MENAKUT-NAKUTKAN PELABUR ASING DENGAN MEMBERI GAMBARAN BURUK MENGENAI MALAYSIA.

BELIAU SEBALIKNYA MENGULANGI HAKIKAT BAHAWA MALAYSIA MASIH MERUPAKAN TEMPAT PALING BAIK UNTUK MELABUR.

PERDANA MENTERI BERKATA BERDASARKAN FAKTOR SEPERTI KESTABILAN POLITIK DAN KEMANTAPAN EKONOMI, +TIDAK BANYAK NEGARA DI DUNIA SEKARANG YANG BOLEH MENGATASI APA YANG DITAWARKAN OLEH MALAYSIA.+

SEMASA BERUCAP PADA FORUM PENGURUSAN EROPAH (EMF) SELAMA DUA HARI DI SINI, DATUK SERI DR MAHATHIR BERKATA WALAUPUN NEGARA INI TIDAK +KAYA+ TETAPI DASARNYA LEBIH BAIK DARIPADA KEBANYAKAN NEGARA KAYA DALAM DUNIA.

DATUK DR MAHATHIR SECARA TERUS TERANG JUGA MENYEBUT MENGENAI PERCUBAAN SESETENGAH PIHAK UNTUK MENJEJASKAN USAHA MENARIK PELABURAN ASING SERTA DASAR EKONOMI BARU (DEB). -- LAGI

1835MST 03 11 86

MAHATHIR-PELABURAN 2 KUALA LUMPUR

(I)

PERDANA MENTERI BERKATA SEBAGAI NEGARA DEMOKRASI, MALAYSIA SUDAH TENTULAH MEMPUNYAI GOLONGAN YANG TIDAK BERPUAS HATI YANG MENDAKWA APA YANG DILAKUKAN OLEH KERAJAAN DI NEGARA INI SEMUANYA TIDAK BETUL.

MEREKA MEMBERI GAMBARAN YANG BURUK MENGENAI NEGARA INI SEMATA-MATA UNTUK MEYAKINKAN PIHAK BERKENAAN, KATA DATUK SERI DR MAHATHIR.

+JIKA AMALAN DAN DASAR MALAYSIA MEMBOSANKAN, MAKA ITU KERANA PADA UMUMNYA MASYARAKAT BERPENDAPAT PENGEMIS TIDAK BOLEH CEREWET.+
+KITA MAHU PENYERTAAN PELABUR ASING DALAM EKONOMI KITA SEDANGKAN KEBANYAKAN NEGARA MAJU TIDAK LANGSUNG MENGHIRAUKAN PELABURAN ASING.+

+JUSTERU ITU, KITA TIDAK BOLEH MENGAMALKAN PERATURAN DAN SEKATAN BIROKRATIK YANG NAMPAKNYA DIAMALKAN OLEH SESETENGAH NEGARA SEMATA-MATA UNTUK TIDAK MENGGALAKKAN PENYERTAAN RAKYAT ASING.+

MENGENAI RASUAH, DATUK SERI DR MAHATHIR KESAL AKAN KESANNYA JIKA ISU ITU MENJADI TAJUK BUALAN HANGAT BIARPUN TUDUHAN LIAR ITU TIDAK TERBUKTI DAN INI BOLEH MENYEBABKAN PELABUR ASING +LARI+. -- LAGI.

1839MST 03 11 86

B B404 AAB

MAHATHIR - PELABURAN 3 KUALA LUMPUR

(I)

BELIAU BERKATA: +BERITA SEUMPAMA ITU TENTULAH TERLALU MENARIK UNTUK TIDAK DIDENGAR JIKA ADA ORANG YANG BERBISIK MENYATAKAN MENTERI ITU DAN INI MENERIMA RASUAH.+

KATANYA, SEBAGAI CONTOH, PERDANA MENTERI DAN MENTERI DARIPADA NEGARA LAIN DATANG KE MALAYSIA UNTUK +MELOBI+ KONTRAK SYARIKAT SWASTA NEGARA MEREKA TETAPI +TIADA SIAPA PUN YANG MENUDUH PERDANA MENTERI DAN MENTERI BERKENAAN RASUAH.+

+TETAPI PERDANA MENTERI MALAYSIA ATAU MENTERINYA HANYA PERLU MENGETUAI ROMBONGAN PERDAGANGAN UNTUK DITUDUH RASUAH DAN TUDUHAN ITU TENTULAH MENJEJASKAN USAHA MEREKA UNTUK MENARIK PELABURAN YANG AKHIRNYA MEREKA MENCUBA MENGELAKKAN MENEMUI KALANGAN PENIAGA.

MENGENAI DEB, BELIAU BERKATA ADA SESETENGAH PIHAK YANG MENCUBA Mencari Kelemahannya dan +JIKA MEREKA TIDAK MENJUMPAI KELEMAHANNYA, MEREKA MEREKA-REKANYA PULA.+

DATUK SERI DR MAHATHIR MEMBIDAS AKHBAR ASING YANG DILAPORKAN MENYIARKAN BAHAWA DEB MENYEBABKAN PELABUR ASING +LARI+ DAN BERKATA +LAPORAN YANG KARUT INI MUNGKIN KERANA AKHBAR ITU MENDAPATI SUKAR UNTUK MENYIARKAN YANG BAIK MENGENAI MALAYSIA.+ -- LAGI
1904MST 03 11 86

U B413 AAB

MAHATHIR-PELABURAN 4 KUALA LUMPUR

(I)

+INI TIDAKLAH BENAR. SAYA BERANI BERKATA BAHAWA SEMUA OPERASI BERASASKAN EKSPORT DI MALAYSIA YANG MENJADIKAN NEGARA INI PENGELUAR UTAMA SEMI KONDUKTOR ELEKTRONIK, BARANGAN GETAH DAN LAIN-LAIN DITUBUHKAN SELEPAS DEB,+ TEGAS BELIAU.

PERDANA MENTERI MENEGASKAN: +DEB TIDAK MEMBAYANGKAN PERUBAHAN DASAR. JIKA MATLAMAT DEB HENDAK DICAPAI, KITA MEMERLUKAN PELABUR ASING UNTUK MEMBANTU MEMPERKUKUH EKONOMI NEGARA WALAUPUN AKHBAR BERKENAAN SENGAJA TIDAK MAHU MENYEDARI HAKIKAT INI.+

DATUK SERI DR MAHATHIR MENOLAK DAKWAAN BAHAWA DEB MERUPAKAN PUNCA KEMELESETAN EKONOMI SEKARANG. DEB TIDAK ADA KENA-MENGENA DENGAN KEMELESETAN EKONOMI. NEGARA-NEGARA LAIN DALAM ASEAN JUGA MENGHADAPNYA.

BELIAU JUGA MENOLAK ANGGAPAN SYARIKAT NEGARA BARAT KONONNYA MALAYSIA HANYA MENGUTAMAKAN NEGARA-NEGARA ASIA DALAM PERDAGANGAN KERANA +DASAR PANDANG KE TIMUR+.

PERDANA MENTERI BERKATA SETIAP SYARIKAT BERPELUANG MEREbut PELUANG YANG DITAWARKAN OLEH NEGARA. -- BERNAMA.
1931MST 03 11 86